

OGOS 2016
KEMURIDAN: BERBELAS KASIHAN SEPERTI BAPA
MENJADI TANDA BELAS KASIHAN ALLAH DALAM MASYARAKAT.

Fokus: Hidup dalam kerahiman – Kerahiman yang Allah Bapa hulurkan kepada kita semua. Jadi bersikap terbukalah akan “kejutan dari Allah”.

LAGU PEMBUKAAN: DOA ST. FRANSISKUS

Tuhan jadikanlah daku, alat di dalam karya damai-Mu
 Di mana terdapat kebencian, biar cinta ku taburkan.

Cho: Tuhan supaya daku mencari, Lebih menghibur daripada dihibur
 Lebih mencinta dari dicinta, Lebih mengerti dari dimengerti

Tuhan jadikanlah daku, alat di dalam karya damai-Mu
 Di mana terdapat penghinaan, biar ampun ku tunjukkan

Tuhan jadikanlah daku, alat di dalam karya damai-Mu
 Di mana terdapat keraguan, biar iman ku sampaikan

Tuhan jadikanlah daku, alat di dalam karya damai-Mu
 Di mana terdapat kegelapan, biar cah'ya ku pancarkan

Tuhan jadikanlah daku, alat di dalam karya damai-Mu
 Di mana terdapat keputus-asaan, biar harap ku taburkan

Tuhan jadikanlah daku, alat di dalam karya damai-Mu
 Di mana terdapat kebencian, biar cinta ku tunjukkan

DOA PEMBUKAAN:

(Jemput salah seorang anggota KED untuk memimpin dalam doa pembukaan)

LIHAT KEPADA KEHIDUPAN:

26hb Disember 2004 merupakan hari yang istimewa bagi John kerana merupakan hari lahirnya. Beliau menghabiskan harinya bersama tiga anaknya di pantai yang berdekatan. Tiba-tiba sahaja anaknya menunjukkan padanya gelombang laut yang tinggi pada jarak yang dekat. Dalam beberapa saat, gelombang melanda pantai. John telah ditolak di atas pokok dan tiga anaknya dihanyutkan gelombang. John telah kehilangan mereka. Beliau telah kehilangan segala-galanya. Anak-anaknya adalah antara beribu-ribu mangsa yang terkorban dalam tragedi itu.

Selepas beberapa bulan, John dan isterinya berjaya mengatasi kesedihan mereka. Pada suatu hari, mereka pergi ke sebuah kampung berdekatan yang turut dilanda tsunami. Mereka

mendapati enam belas anak-anak yatim yang turut kehilangan ibu bapa mereka dalam tragedi itu. Dengan penuh belas kasihan, John dan isterinya telah mengambil keputusan tegas untuk membantu kanak-kanak malang ini dengan memberikan yang terbaik sesuai dengan kemampuan mereka. Mereka pulang bersama dengan enam belas kanak-kanak, dan mula menubuhkan rumah anak yatim untuk mereka. Orang lain di kampung, yang melihat tindakan belas kasih mereka secara sukarela membantu melayani di rumah anak yatim itu .

Renungan:

- Kongsikan tanda-tanda belas kasihan Allah dalam cerita tersebut.

SABDA ALLAH: KOLOSE 3:12-14

- Kita membaca teks tersebut sebanyak dua kali.
- Kita memetik frasa pendek dari teks yang menyentuh perasaan kita dan membacanya dengan suara yang kuat dan jelas sebanyak tiga kali. Baca setiap frasa diselang-selingi saat-saat senyap.
- Kita mengambil masa dua minit untuk mendengar pesanan Tuhan.
- Kita kongsi antara satu sama lain pesanan Tuhan terhadap kita berpandukan frasa-frasa yang menyentuh perasaan kita dalam kumpulan kecil.
- Kita putuskan apakah Sabda Kehidupan bagi kumpulan kita dan kongsikan dalam kelompok besar.

HIDUP DALAM KERAHIMAN:

- Kongsikan pengalaman anda berkaitan dengan pengalaman belas kasihan Allah dalam hidup anda.
- Tentukan satu perbuatan belas kasihan baru yang anda mahu lakukan sepanjang bulan ini.

PENUTUP: DOA JUBILI KERAHIMAN

Semua orang yang hadir dijemput untuk berdoa DOA JUBILI KERAHIMAN dan diakhiri dengan Doa Bapa kami.

LAGU PENUTUP: DIA MENGETI

Terkadang Kita Merasa, Tak Ada Jalan Terbuka
Tak Ada Lagi Waktu, Terlambat Sudah

Tuhan Tak Pernah Berdusta, Dia S'lalu Pegang Janji-Nya
Bagi Orang Percaya....Mujizat Nyata

REF:

Dia Mengerti, Dia Peduli, Persoalan Yang Sedang Terjadi
Dia Mengerti, Dia Peduli, Persoalan Yang Kita Alami
Namun Satu Yang Dia Minta, Agar Kita Percaya
Sampai Mujizat Menjadi Nyata, Tuhan Mengerti